

TI DALAN NGA AGTURONG ITI DIOS





© 2005, Rose Stair Goodman. Cover art, Edwin B. Wallace. Meryl Esenwein, art above and on pages 10, 12, 14, 16, 27, 29, 39, 41, 42, 44, 46, 47, and 48.

PINARSUA TI DIOS TI LUBONG KEN TI ISU AMIN A SIBIBIAG A BAMBANAG

1

“Idi punganay, pinarsua ti Dios ti lubong.” –Genesis 1:1

**“Ta babaen kenkuana, pinarsua ti Dios dagiti amin nga
adda idiy langit ken ditoy daga.”** –Colosas 1:16a

**“Bendisionannakayo koma ti APO a nangaramid iti langit
ken daga. Ti langit kukua ni Yahweh, ngem intedna ti daga
kadagiti tattao.”** –Salmo 115:15, 16

Awan pakapilawan ti daga idi inted ti Dios iti tao. Basaem daytoy a libreta tapno maammoam ti napasamak.



“Kalpasanna, kinuna ti Dios, ‘Ita, aramidentayo ti tao. Umaspingdanto kadatayo, ket kalanglangatayto ida. Iturayandanto dagiti ikan, dagiti tumatayab, ken amin nga animal a naamo ken naatap, dadakkel ken babassit.’ ”

—Genesis 1:26

NAGBALIN A SIBIBIAG A KARARUA TI TAO 3

“Nangala ni Yahweh a Dios iti daga sa nangbukel iti tao. Insang-awna ti anges ti biag iti agong daytoy ket naaddaan iti biag*.”

–Genesis 2:7

“Kinuna ni Yahweh a Dios, ‘Saan a nasayaat nga agmay-maysa ti lalaki. Yaramidak iti maitutop a kadua ken katulonganna.’ Kalpasanna, pinaturog ni Yahweh a Dios ti lalaki. Bayat ti nargaan a pannaturogna, nangala iti maysa kadagiti paragpagna sana tinapalan iti lasag ti nangikkatanna. Inaramidna a babai ti paragpag ket impanna iti lalaki.”

–Genesis 2:18, 21, 22

*kayatna a sawen: kararura



Ni kaanoman ditay koma dengdengen ti timek ni Satanas.

**“Impan ni Yahweh a Dios ti tao iti Minuyongan ti Eden 5
tapno talonen ken aywananna. Imbagana iti lalaki, ‘Ma-
balinmo ti mangan iti bunga ti uray ania a kayo iti Mi-
nuyongan malaksid ti bunga ti kayo ti pannakaammo iti
naimbag ken dakes. Dimo kanen ti bunga dayta a kayo. No
manganka, matayka iti isu met la nga aldaw a pannangan-
mo.’ ”**

–Genesis 2:15-17

**NAGDUADUA DAYDI ULEG NGA ISU TI DIABLO WENNO
NI SATANAS TI TURAY TI DIOS, SA NAGULBUD.**

**“ ‘Saan a pudno dayta,’ kinuna ti uleg. ‘Saankayo a matay!’
Nakita ti babai a napintas ti kayo ken impapanna a nasaya-
at a kanen ti bungana. ‘Nagsayaat ket ngatan ti agbalin a
masirib!’ kinunana iti nakemna. Nangpuros iti sumagma-
mano a bunga ti kayo sa nangan. Inikkanna met ti asawana
ket nangan ti lalaki.’ ”**

–Genesis 3:4, 6

SAANEN A MAKAPAGTAENG DA ADAN KEN EVA ITI MINUYONGAN



“Ngarud, pinagtalaw ni Yahweh a Dios ti tao iti minuyongan ti Eden ket pinagtrabahona iti daga a nagtaudanna. Iti bangir-na’t daya ti minuyongan, nangikabil kadagiti narungsot nga animal a nagpayak. Nangikabil pay iti sumsumged a kampilan tapno awan umasideg iti kayo ti biag.”

—Genesis 3:23, 24

NAGLADINGIT ITI SANGALUBONGAN IDI NAGBASOL DA ADAN KEN EVA

7



“Babaen iti maysa a tao, immay ti basol ditoy lubong ket babaen iti basol, immay met ti ipapatay. Iti kasta, nagsaknap ti ipapatay iti entero a sangkataoan, agsipud ta nagbasol amin a tattao.”

—Roma 5:12

Banag a laglagipen

Tunggal maysa nayanak a managbasol, ket umayto ti aldaw a matay agsipud ta ni patay immay gapu iti basol. (Basaem manen ti Roma 5:12.)

8 TI PLANO TI DIOS ISU TI PANANGIBAONNA TI BUGBUGTONG NGA ANAKNA TAPNO MAILAPSUTTAYO ITI BASOL



**“Ipasngaynanto ti
maysa a lalaki ket
panaganamto iti Jesus,
agsipud ta isalakan-
nanto dagiti tattaona
kadagiti basbasolda.”**

–Mateo 1:21

Nayanak ti Anak ti Dios kas maysa
a maladaga tapno makastrek iti
lubong.

**“Ngamin, agtaeng ken Cristo a kas tao ti amin a galad ti
Dios.”**

–Colosas 2:9

NI JESUS KET DIOS — ITI NATAO-AN A LANGA

9

“Idi punganay, addan ti Sao, ket ti Sao kadua ti Dios, ket ti Sao, Dios. Nagbalin a tao ti Sao ket nakipagtaeng kadatayo.”

—Juan 1:1, 14a

“Naaramid amin daytoy tapno matungpal ti insao ti Apo babaen iti profeta: ‘Agsikogto ti birhen a balasang. Ipasngaynanto ti maysa a lalaki, ket mapanagananto iti Immanuel’ a kayatna a sawen, ‘Adda kadatayo ti Dios.’ ”

—Mateo 1:22, 23

“Naipasngay kadatayo ti maysa nga ubing! Adda ubing a lalaki a naited kadatayo! Ket isunto ti mangituray kadatayo! Maawaganto iti, ‘Nakaskasdaw a Mammagbaga,’ ‘Mannakabalin a Dios,’ ‘Agnanayon nga Ama,’ ‘Prinsipe ti Kappia.’ ”

—Isaias 9:6

NI JESU-CRISTO TI NAAN-ANAY A DATON

“Awan basol ni Cristo.”

–2 Corinto 5:21a

“Saan a nagbasol.”

–1 Pedro 2:22a

Awan uray kasayaatan a daton ti tao ti makaugas ti basol.

“Saan a kabaelan ti dara dagiti baka ken kalding nga ikkaten dagiti basol.”

–Hebreo 10:4



Ni Jesus ti Kordero ti Dios. **“Daytoy ti Kordero ti Dios a mangik-
kat iti basol ti lubong!”**

–Juan 1:29b

INDATON NI JESUS TI BIAGNA TAPNO MAISALAKANTAYO

11

Nailansa iti krus ni Jesus ta ginura dagiti nauyong a tattao. Ngem plano ti Dios ti ipapatayna. Nagayatan ni Jesus nga impatli ti biagna a pangsubbot kenka ken kaniak manipud basol. Kinuna ni Jesus, **“Awan ti makaala iti biagko. Itedko kas pagayatak. Adda kalintegak a mangited iti biagko, ket adda met kalintegak a mangala met laeng.”**

—Juan 10:18a

NASUBBOTTAYO GAPU ITI DARA TI KORDERO TI DIOS

“Saankayo a nagatang babaen iti banag a madadael, kas iti pirak wenno balitok. Nawayawayaankayo ketdi babaen iti panakaidaton iti napateg a dara ni Cristo a mayarig iti kordero nga awan mulit ken tulawna.”

—1 Pedro 1:18a, 19

AWAN TI SABALI A DATDATON A MAKAIKKAT ITI BASOL.

12 “Babaen iti darana, napalintegtayon [napagsanto] iti sangoanan ti Dios. Adadda pay ngarud a maisalakantayto gapu kenkuana.”

“Laglagipennak, Jesus, inton mapanka iti pagariam.”

–Lucas 23:42b

Daytoy a mannanakaw namati ken Jesus ket naisalakan.



“Ibagak kenka daytoy: Ita nga aldaw, maki-pagyankanto kaniak idiay Paraiso.”

–Lucas 23:43b



Daytoy a mannanakaw saan a namati ken Jesus, ket saan a naisalakan.

–Roma 5:9

“Idi managbasoltayo pay laeng [nasukir iti Dios], natay ni Cristo gapu kadayo!”

–Roma 5:8b

**AMIN A MAMATI ITI ANAK TI DIOS
MAADDAAN ITI BIAG NGA AGNANAYON**

**“Gapu iti kasta unay a panagayat ti Dios
iti lubong, intedna ti Bugbugtong nga
Anakna tapno ti siasinoman a mamati
kenkuana saan a matay no di ket
agbiag nga agnanayon.”**

—Juan 3:16

**“Inispalnatayo iti pannakabalin ti sipngget ket impannatayo
iti pagarian ti dungdungngoenna nga Anak. Babaen kenkuana
nawayawayaantayo, kayatna a sawen, pinakawan ti Dios
dagiti basoltayo.”**

—Colosas 1:13, 14

*Pannakaispal (wenna Pannakasubbot) kayatna a sawen, gina-
tangnatayo manen.



“Nagsao ti anghel kadagiti babbai. ‘Dikay agbuteng,’ kinunana. ‘Ammok a sapsapulenyo ni Jesus a nailansa iti krus. Awan ditoyen; nagungaren kas iti kinunana. Umayyo kitaen ti lugar a nagiddaanna.’ ”—Mateo 28:5, 6

NAGUNGAR NI JESUS MANIPUD KADAGITI PATAY 15

“Siak ti sibibiag! Natayak idi, ngem kitaem, sibibiagak iti agnanayon nga awan inggana. Adda kaniak dagiti tulbek ni Patay ken ti Hades.” –Paltiing 1:18

“Gapu ta agbiagak, agbiagkayto met.” –Juan 14:19b

Gapu ta ni Cristo inabakna ni patay, ket iggemna ti tulbek ni patay, ngarud saantayon a kabuteng ni patay.

“O APO a Kangatoan, no adda pagbutngak, sika ti pagkam-matakkak.” –Salmo 56:3

MAISALAKANNAKA NI JESUS KEN IKARKARARAGANNAKA

“Ngem sibibiag nga agnanayon ni Jesus Isut’ gapuna a kabaelanna nga isalakan dagiti umasideg iti Dios babaen kenkuana agsipud ta agbiag nga agnanayon a mangibabaet kadakuada iti Dios.” –Hebreo 7:24a, 25

16 MAADDAANKA KEN SIAK ITI BIAG NGA AGNANAYON



**Ania a dalan ti PAGPAG-
NAAM?**

Ni Jesu-Cristo isu ti DALAN nga agturong iti agnanayon a BIAG.

Ti diablo (Satanas) ti dalan nga agturong iti agnanayon a PATAY.

Daytoy nga ubing pinilina iti husto a dalan nga isu iti agturong iti agnanayon a biag.

“...Ikeddengyo itan no siasino ti pagserbianyo....”

–Josue 24:15

“Pagpilienkayo iti biag wenno patay, iti bendision wenno iti lunod ti Dios. Pilienyo ti biag.”

–Deuteronomio 30:19b

NI JESUS TI DALAN NGA AGTURONG ITI BIAG NGA AGNANAYON

“Isu laeng ti pakasarakantayo iti pannakaisalakan. Iti entero a lubong, awan sabali a nagan nga inted ti Dios kadagiti tattao a mabalintayo a pakaisalakanan.”

–Aramid 4:12

“Siak ni Yahweh, siak la ti makaisalakan kadakayo.”

–Isaias 43:11

18 APAY A NASKEN A PILIENTAYO NI JESUS NO KAYATTAYO TI AGNANAYON A BIAG?

1. *Ni Cristo immay.*

“...Immayak tapno maaddaankay iti biag....”

—Juan 10:10



2. *Ni Cristo ti nagayat ken natay gapu kadatayo.*

“Iti Anak ti Dios a nagayat kaniak
ken nangted iti biagna gapu kaniak.”

—Galacia 2:20b

Nagbalin ni Jesus a tao, lasag, ken dara a kas kadatayo. **Inaramidna daytoy tapno babaen iti ipapatayna, pukawenna ti**

**Diablo nga adda pannakabalinna ken ni patay, 19
ket wayawayaanna dagiti amin a natagabu iti
amin a panagbiagda gapu iti butengda ken patay.”**

–Hebreo 2:14, 15

3. Ti dara laeng ni Jesus ti remedio kadagiti bas- basoltayo.

**“Ti dara nga isu ti biag ti mangikkat kadagiti bas-
basol.”**

–Levitico 17:11b

**“Ti dara ni Jesus nga Anakna ugasannatayo iti amin
a basol.”**

–1 Juan 1:7b

**“Babaen kenkuana nawayawayaantayo, kayatna a sa-
wen, pinakawan ti Dios dagiti basoltayo.”**

–Colosas 1:14



4. Ni Cristo nagungar manipud ken patay.

“Ammotayo a napagungar ni Cristo ket saanen a matay. Awanen ti pannakabalin ti patay kenkuana.” –Roma 6:9

“Wen, natay gapu iti amin a tao tapno dagiti sibibiag dida agbiagen para iti bukodda a pagimbagan, no di ket para kenkuana a natay ken napagungar gapu kadakuada.” –2 Corinto 5:15

Kinuna ni Jesus, **“Gapu ta agbiagak, agbiagkayto met.”**
–Juan 14:19b

**5. Masapul nga adda kadayo ti Espiritu ni Cristo 21
tapno agbiagtayo iti biag nga agnanayon (agbiag
nga awan patinggana).**

**“Agtaeng kadagiti puspusoyo ni Cristo, ti namnamayo
a makiranud iti gloriana.”** –Colosas 1:27b

**“No agtaeng kadakayo ti Espiritu ti Dios a namagu-
ngar ken Jesus, itedto met daytoy a namagungar ken
Cristo ti biag kadagiti agrupsa a bagiyo babaen ti kaad-
da ti Espirituna kadakayo.”** –Roma 8:11

SIGURADOEM A TI ESPIRITU NI CRISTO AGNANAED KENKA

**“No awan kenka ti Espiritu ni Cristo, saannaka a tao ni
Cristo.”** –Roma 8:9b



**“Kalpasanna,
sinaklotna dagiti
ubbing ket impatayna
ti imana iti tunggal
maysa kadakuada
sana binendisionan
ida.”**

–Marcos 10:16

“Ammok nga ay-ayatennak ni Jesus, ta isu iti ibagbaga ti Biblia.”

**“Ngem inayaban ni Jesus dagiti ubbing, ket kinu- 23
nana, ‘Palubosanyo dagiti ubbing nga umay kaniak.’
Diyo paritan ida, ta dagiti kas kadakuada ti agtagikua iti
Pagarian ti Dios.”** –Lucas 18:16

**“Kasta met a di kayat ni Amayo sadi langit a mapukaw ti
uray maysa kadagitoy nga ubbing.”** –Mateo 18:14

Siasinokaman, wenno sadinoman ti pagigianam, ay-ayatennaka ni Jesus, ket natay gapu kenka. Iliwenna met ti panagayatmo Kenkuana. Maipakitam ti ayatmo babaen ti panagtulnogmo Kenkuana.

“No ayatendak, tungpalenyo dagiti bilbilinko.”
–Juan 14:15b

**“Uray ti maysa nga ubing ipakitana ti kinasiasinona
babaen iti aramidna.”** –Proverbio 20:11a

24 KASANO TI PANANGSARAK ITI DALAN NGA AGTURONG ITI DIOS?

1. *Aklunem a sika ket managbasolka* (kitaem ti pahina 7).

“Nagbasol amin a tattao ket agkurangda iti kinadayag ti Dios.”
–Roma 3:23

2. *Umasidegka iti Dios babaen ken Cristo Jesus.*

“Ta maymaysa ti Dios, ket maymaysa met ti mamagkap-pia iti Dios ken iti tao, ni Cristo Jesus a tao.”
–1 Timoteo 2:5

“Isut’ gapuna a kabaelanna nga isalakan dagiti umasideg iti Dios babaen kenkuana.”
–Hebreo 7:25a

Kinuna ni Jesus, “Ti umay kaniak, diakto pagtalawen.”
–Juan 6:37b

3. *Agbabawika kadagiti basbasolmo.*

(Kayat a sawen ti panagbabawi, maladingitanka kadagiti basbasolmo ket isardengmon ti agbasol.)


“Agbabawikayo ngarud ket agsublikay iti Dios tapno pakawanenna dagiti basbasolyo.”

—Aramid 3:19

“An-anusannakayo ti Apo gapu ta dina kayat a madadael ti siasinoman, no di ket kayatna nga agbabawi ti amin a tattao kadagiti basbasolda.”

—2 Pedro 3:9b

4. *Ipudnom dagiti basbasolmo ken Jesus.* (Ti panangipudno kayatna a sawen “panangaklon.”)



“Ngem no ipudnotayo dagiti basbasoltayo, tungpalenna ti karina ket aramidenna ti maitutop.”

—1 Juan 1:9a

26 Iti uged iti baba, isuratmo ti bersikulo nga adda iti uneg nga agkarkararag nga im-ima iti pahina 25. (Isu ti 1 Juan 1:9.)

5. Iwaksim dagiti basbasolmo.


(Kayatna a sawen panawamon ket dimon ituloy.)

“Pulos a dikanto agballigi no padasem nga ilemmeng dagiti basolmo. Ipudnom ida ken agbabawika, ket kaasiannakanto ti Dios.”

–Proverbio 28:13

“Adaywam ti dakes ket aramidem ti naimbag.”

–Salmo 37:27a



“Ta gapu iti parabur ti Dios, naisalakantayo babaen iti pammati. Saanyo nga insalakan ti bagiyo gapu iti inaramidyo. Insagut kadakayo ti Dios ti panakaisalakanyo tapno awan ti mangipasindayag iti daytoy.”

—Efeso 2:8, 9

6. Mamatika ken Jesu-Cristo.

27

“Ta no babaen iti panagsao, ipaduyakyakmo ni Jesus nga isu ti Apo, ket patiem iti pusom a pinagungar ti Dios, maisalakankanto.”

—Roma 10:9

“Mamatika ken ni Apo Jesus ket maisalakankanto, sika ken ti familiam.”

—Aramid 16:31b

28 7. Awatem ni Jesus iti puso ken biagmo.

Luktam laeng ta pusom ket pastrekem ni Jesus. Kinuna ni

Jesus, **“Denggem, addaak nga agtatakder iti ruar ket agtuktuktokak iti ruangan. No adda makangngeg iti timekko ket lukanna ti ruangan, sumrekakto iti balayna ket agkalanglangkamto a mangan.”**

—Paltiing 3:20

“Ngem adda met dagiti immawat ken namati kenkuana, isut’ gapuna nga inikkanna ida iti kalinangan nga agbalin nga annak ti Dios.”

—Juan 1:12



No dika pay pulos nagkarkararag idi, ngem ita kayatmon a sursuroen ti panagkararag, surotem daytoy a pagwadan nga adda iti baba:

Apo Jesus,

Agyamanak ta gapu iti ipapataymo idiy krus maikkat dagiti basbasolko. Agbabawiak kadagiti amin a dakes a naaramidko. Dawatek a pakawanennak, ket sumrek ken agtaengka iti agnanayon iti uneg ti pusok. Dalusannak iti amin a biddutko. Ket awatenkan a Mannubbot ken Apo iti biagko. Daytoy ti kararagko iti naganmo, Amen.



30 ITAN TA ADDAN NI JESUS ITI PUSOM, ADDAN BIAGMO NGA AGNANAYON

“Inikkannatayo ti Dios iti biag nga agnanayon, ket masarakan daytoy a biag iti Anakna. Ti tao a pagtaengan ti Anak, agtaeng met kenkuana ti biag.” –1 Juan 5:11b, 12a


“Ti siasinoman a dumngeg kadagiti saok ken mamati iti nangibaon kaniak . . . no di ket nalasatnan ni patay ket simreken iti biag.” –Juan 5:24b

Inton pumusayka, addakanton iti Apo (2 Corinto 5:8). **“ . . . Ni Cristo, ti namnamayo a makiranud iti gloriana.”**(Colosas 1:27).

No dinawatmon ti panangpakawan ni Jesus kadagiti basbasolmo, ket mamatika nga ni Apo Jesu-Cristo ti mangisalakanmo, isuratmo ti naganmo iti baba:

KASANO TI AGTULTULOY A PANANGSUROT 31

KEN JESUS



Inaldaw nga agbasaka kadagiti bersikulo ti Biblia (ti Sao ti Dios) ket idulinmo ita pusom babaen ti panangikabesam kadakuada ta makatulongda kenka. (Adu dagiti bersikulo iti daytoy a libreta.)

“Impaltiing ti Dios ti amin a Nasantoan a Surat, ket naserbi a pangisuro iti kinapudno, pangbabalaw, pangatur iti bidut ken pakasursuroan iti nalinteg a panagbiag.”

—2 Timoteo 3:16

32 MAKIKATUNGTONGKA KENNI JESUS BABAEN TI KARARAG ITI URAY ANIA A TIEMPO

Agyamanka ken Jesus gapu iti kinaimbag-na. **Dayawem** gapu ta insalakannaka. **Ikararagmo ti aniaman a kasapulam.** Agkararagka iti nagan ni Apo Jesus.

“Itedna ti aniaman a dawatentayo no la ket mayannurot iti pagayatanna.”

–1 Juan 5:14b

“...Ikarkararaganyo ti tunggal may-sa....”

–Santiago 5:16

“Ikararaganyo dagiti mangidadanes kadakayo.”

–Mateo 5:44b



TI KARARAG NGA INSURO NI JESUS KADAGITI ADALANNA

33

(Ti adalan isu ti tao a sumursurot ken Jesus.)

“ ‘Amami sadi langit: Madaydayaw koma ti nasantoan a naganmo; Umay koma ti Pagariam; Matungpal koma ti pagayatam ditoy daga a kas sadi langit. Itedmo kadakami ti taraonmi ita nga aldaw; Pakawanennakami kadagiti basbasolmi, A kas iti pammakawanmi kadagiti nakabasol kadakami; Dinakam iturong iti nakaro a pakasuotan; Ilisinakami ketdi iti Managdakdakes.’ ”

–Mateo 6:9b-13

Masapul a maikabesa daytoy a kararag. Masansan nga ag-maymaysa dagiti mamati a mangkararag iti nabatad iti daytoy a kararag.

**34 DAGITI SANGAPULO A BILBILIN TI DIOS
ISURODA KADATAYO NO KASANO TI AGBIAG**

(Exodo 20)

Dagiti Umuna Nga Uppat Ket maipapan ti Ayattayo iti Dios

- 1. “Dika agdaydayaw iti sabali a dios no di laeng siak.”**
- 2. “Dika agaramid iti agpaay kenka a kinitikitan a ladawan wenno aniaman . . . Dika agrukbab wenno agdaydayaw iti uray ania a kinitikitan a ladawan”**
- 3. “Dimo aramaten ti naganko iti dakes a panggep gapu ta siak, ni Yahweh a Diosmo”**
- 4. “Ngilinem ti Aldaw a Panaginana ket ibilangmo a nasantoan.”**

DAGITI MAUDI NGA INNEM KET MAIPAPAN 35
ITI PANAGAYATTAYO KADAGITI PADATAYO A TAO

5. “Dayawem da amam ken inam”

6. “Dika mamapatay.”

7. “Dika makikamalala.” (Pannakikaedda iti saanmo nga asawa.)

8. “Dika agtakaw.”

9. “Dika agsaksi iti ulbod a maibusor iti padam a tao.”

10. “Dimo aguman . . . ti aniaman a sanikuana.”

TI PANAGTULNOG ITI DIOS YEGNA TI SUNGBAT DAGITI
KARKARARAGTAYO

“Ikkannatayo iti aniaman a dawatentayo, agsipud ta tung-palentayo dagiti bilbilinna ken aramidentayo ti pakaragsa-kanna.”

36 DAGITI DUA A KANGRUNAAN A BILIN

Panagayat iti Dios

1. “Insungbat ni Jesus, ‘Ayatem ti Apo a Diosmo iti amin a pusom, iti amin a kararuam, ken iti amin a panunotmo.’ Daytoy ti umuna ken kangrunaan a bilin.” –Mateo 22:37, 38

Panagayat iti Pada a Tao

2. “Ti maikadua a kangrunaan a bilin umasping iti umuna, ‘Ayatem ti padam a tao a kas iti bagim.’”

–Mateo 22:39

Amin Dagiti Sangapulo a Bilin (panid 34 ken 35)
ket nairamanda kadagitoy Dua a Bilin.



Ti “Kapitulo ti Ayat”**(1 Corinto 13:1-8, 13)**

¹Uray no makasaoak kadagiti pagsasao dagiti tattao wen-no dagiti angheles, ngem no awan ayatko, awan serserbi ti panagsaritak ket awan dumak iti makatitileng nga aweng ti gansa wenno naringgor nga uni ti piangpiang. ²Uray no na-laingak a mangasaba, uray no maawatak amin a palimed, uray no napigsa ti pammatik tapno mayalisko dagiti bambantay, ngem no awan ayatko, awan serserbik. ³Uray no ipadawatko ti amin nga adda kaniak, ken uray pay itedko ti bagik tapno mapuoran, ngem no awan met ayat kaniak, awan magunggonak. ⁴Ti ayat naanus ken naasi. Saan a naimon wenno napasindayag wenno natangsit. ⁵Saan a naalas

38 ti kababalinna wenno naimut wenno nalaka nga agpungtot. Awan im-impenna a sakit ti nakem. ⁶Saanna a pagragsakan ti dakes. Pagragsakanna ketdi ti kinapudno. ⁷Ti ayat ituredna amin a banag, mamati iti amin, mangnamnama iti amin, ibturanna amin. ⁸Ti ayat agpaut nga agnanayon. Adda dagiti naipaltiing a kaskasaba, ngem saanda nga agpaut. Adda sagut a mangted iti kabaelan nga agsao iti sabali a pagsasao, ngem aggibus. Adda pannakaammo, ngem agpatingganto.

¹³Kabayatanna, dagitoy tallo ti agtalinaed: pammati, namnama, ayat; ngem ti kangrunaan kadagitoy, isu ti ayat.

TI DIOS ISUT AYAT

“Ti Dios, ket ayat! Agtaeng iti Dios ti agtaeng iti ayat, ket agtaeng met kenkuana ti Dios.

–1 Juan 4:16b

KADAGITI DADDUMA

(iti pagtaengan, pagadalan, iti kapilya wenno sadinno man)



Kuna ni Jesus, **“Agawidka iti familiam ket ipadamagmo kadakuada ti naindaklan nga inaramid ti Apo kenka gapu iti kaasina.”** —Marcos 5:19b

KASANO TI PANNAKAAMMO ITI PUDNO NGA ANAK TI DIOS

“No agiinnayatkayo, maammoanto ti amin a tao a dakayo dagiti adalak.”
–Juan 13:35

“Ngem ti Espiritu pataudenna ti ayat, rag-o, talna, anus, kinamanangngaasi, kinaimbag, kinamatalek, kinapakumbaba ken kinamanagteppel.”
–Galacia 5:22, 23a

TI PUDNO NGA ANAK TI DIOS MAMAKAWAN KADAGITI SABALI

“No pakawanenyo dagiti nakabasol kadakayo pakawanen-nakayto met ni Amayo sadi langit.”
–Mateo 6:14

DAGITI 7 A KAGURA TI DIOS

“Natangsit a langa, naulbod a dila, ti mangpapatay iti awan basolna, ti agpanggep iti dakes, ti agdardaras a mapan agaramid iti maikaniwas, ti saksi nga agsao iti pasig nga ulbod, ken ti mangyeg iti pagapaan dagiti aggagayyem.” –Proverbio 6:17-19

“Pannakikamalala, kinarugit, kinaderrep, panagrukbab kadagiti didiosen, panagan-anito, panaggiginnura, panagaapa, panagiinni-mon, panagpungpungtot, kinaagum, panagiinnapal, panagbarbar-tek, nalabes a panagragsak ken dadduma pay a kas kadagitoy. Ballaagankayo ita a kas panangballaagko kadakayo idi a dagiti agaramid kadagitoy didanto mairaman a makipagyan iti Pagarian ti Dios.”

–Galacia 5:19-21


“Dagiti aggartem iti padada a lalaki wenno padada a babai wenno dagiti agag-agaw, naagum.”

–1 Corinto 6:9b,10a

IPALUBOSMO A PUNNOENNAKA NI JESUS ITI ESPIRITUNA KEN DALUSANNAKA

“Kasta ti sumagmamano kadakayo idi. Ngem naugasankayon iti basol, naidatonkayon iti Dios.”

–1 Corinto 6:11a



**(Basaen ti Lucas
16:19-26.)**

Siguradoem a ni Jesus
laeng ti pagtalkam. Isuratna
ti naganmo iti Libro ti Biag.

**“Ditoy a dan-aw ti apuy
ti nakaitappuakan dagiti
awan naganna iti libro ti
biag.”** —Paltiing 20:15

NI JESUS LAENG TI DALAN A MAPAN ITI DIOS 43

“Inikkannatayo ti Dios iti biag nga agnanayon, ket masarakan daytoy a biag iti Anakna.” –1 Juan 5:11b

“Ta patay ti supapak ti basol. Ngem biag nga agnanayon ti isagut ti Dios gapu iti pannakikaykaysatayo ken ni Cristo Jesus nga Apotayo.” –Roma 6:23

“Ti siasinoman a mamati iti Anak maaddaan iti biag nga agnanayon. Siasinoman a di agtulnog iti Anak, dinanto maragpat ti biag, no di ket agtalinaed kenkuana ti panusa ti Dios.” –Juan 3:36

“ ‘ Siak ti dalan, ken ti pudno, ken ti biag; awan ti maka-pan iti Ama no di magna kaniak,’ insungbat ni Jesus.” –Juan 14:6



Iti sirmata ni Juan iti Paltiing 21, nakitana ti baro a langit ken baro a daga.

“ **‘Punasennanto dagiti luada. Awanton ti patay, ladingit, sangsangit wenno ut-ot agsipud ta limmabasen dagiti immun-una a banag.’** Kinuna ti nakatugaw iti trono, **‘Pabaroekon ti amin a banag!’** ”

–Paltiing 21:4, 5a

Nakita met ni Juan ti Baro a Siudad, ti baro a Jerusalem, bumabbaba manipud langit. “ **Puro a balitok ti siudad, ket aganninaw a kas kristal. Namontaran dagiti fondasion a bato ti bakud kadagiti agkakapateg a bato.** ”

–Paltiing 21:18b, 19a

**IMMUN-UNAN NI JESUS TAPNO
MANGISAGANA ITI PAGTAENGAN DAGITI
AMIN A MAMATI KENKUANA**

45

“Kinuna ni Jesus kadakuada: ‘Saankayo a madanagan ken mariribukan. Mamatikayo iti Dios, ken mamatikayo met kaniak. Adu ti kuarto idiay balay ni Amak, ket innak mangisagana iti pagyananyo. Diak koma ibaga daytoy kadakayo no saan a pudno. Kalpasan ti ipapanko panangisagana iti pagyananyo, umaykayto alaen tapno addakayo met iti ayanko.’”

–Juan 14:1-3

**IBAGAM DAYTOY NAIMBAG A DAMAG
KADAGITI SABSABALI**

Kuna ni Jesus, “Inkay iti entero a lubong ket ikasabayo ti Naimbag a Damag kadagiti amin a parsua.” –Marcos 16:15b

“Ngem babaen iti kinaranggas, maikkat ti biag.”

46 DAGITI KARKARI TI DIOS KADAGITI ANNAKNA

“Dikanto panawan, dikanto baybayan.” –Hebreo 13:5b

“Ta ibaonto ti Dios dagiti anghesna a mangaywan kenka tapno iti sadinoman a papanam salaknibandaka.”–Salmo 91:11

“Addaakto nga agnanayon kadakayo agingga iti panungpalan ti lubong.” –Mateo 28:20b

“Dika agbuteng kadagiti panagsagaba a dumtengto kenka. . . .Agtalinaedka ngarud a mapagtalkan uray pay no isut’ pakatayam ket itedkonto kenka ti biag a kas gunggona ti balligim.”
–Paltiing 2:10

“Addakami ita iti kasipngetan ngem ikanakami ti APO iti silaw.” –Mikias 7:8

“Awagannak ket sungbatankanto.”
–Jeremia 33:3a



Amin ket agungarto manipud ken patay.

“Umayen ti tiempo a dagiti amin a natay nga adda kadagiti tantanem mangngegdanto ti timekna, agungardanto ket rummuarda kadagiti tantanemda. Agungarto a maipaay iti biag nga agnayanon dagiti nagaramid iti naimbag ngem agungarto a maipaay iti pannakadusa dagiti nagaramid iti dakes.” —Juan 5:28b, 29



Dagiti natay ken Cristo agungardanto nga umuna.

“Kalpasanna, datayo a sibibiag iti dayta a tiempo, maurnongtayto a maikuyog kadakuada iti ayan dagiti ul-ulep tapno sabtentayo ti Apo idia tangatang. Iti kasta, kanayonton nga addatayo iti denna ti Apo.” —1 Tesalonica 4:17

“Agsaganakayo, ta diyo ammo no kaano a dumteng dayta a tiempo.” —Marcos 13:33b



“Kitaenyo, umayen ni Jesus a silulugan kadagiti ulep! Makitanto ti tunggal maysa.”

–Paltiing 1:7a

Agannadkayo kadagiti palso a cristo ken dagiti palso a mammadto. **“No adda agkuna, ‘Kitaenyo, adda ditoy ti Cristo!’ wenna ‘Adda sadiay!’ diyo patpatien.... No kunada, ‘Kitaenyo, adda iti let-ang!’ dikay mapmapan sadiay.”**

–Mateo 24:23b, 26a

UMAY NI JESUS ITI NAPARDAS MANIPUD LANGIT

“Amin a tattao ditoy daga inton makitada ti Anak ti Tao iti rabaw dagiti ulep ti langit nga umay a napnoan pannakabalín ken naindaklan a dayag.”

–Mateo 24: 30b

TI SALMO TI AGPASPASTOR

(Salmo 23)

¹Apo, sika ti pastorko, adda aminen a masapulko. ²Iti nalangto a karuotan, paginanaennak; iti sibay dagiti dandanum a natalinaay, idalannak. ³Ipaaymo kaniak ti baro a pigsang. Tarabayennak iti tumutop a dalan, kas inkarim.

⁴Uray pay no ginget ni patay ti paglasatak saanakto nga agbuteng ta addaka kaniak! Ti sarukod ken bastonmo salaknibandak. ⁵Mangisaganaka iti padaya nga agpaay kaniak, iti imatang dagiti kabusorko. Pinaaruyotam daytoy ulok iti lana, ket agliplippias ti kopak.

⁶Awan duadua a kumuyogto kaniak ti kinaimbag ken ti kinamanagayatmo bayat ti panagbiagko, ket agtaengakto nga agnanayon iti balaymo.

Dagiti paspaset ti Biblia a nailanad ditoy, naalada manipud iti "Naimbag a Damag Biblia" copyright 1996 nga impablaak ti Philippine Bible Society, 890 United Nations Avenue, Manila, Philippines. Naaramat dagitoy babaen ti panangipalubosda.

No intresadokayo nga umawat iti ad-adu pay a libreta, agsuratkayo iti agipabpablaak iti Ingles.

World Missionary Press, Inc.
P.O. Box 120
New Paris, Indiana 46553-0120 U.S.A.

Libre—saan a mailako